



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm V. Contingit.

[urn:nbn:de:hbz:466:1-62587](#)

vel crimen, si non' venerit, imponiturei silentium perpetuum, ne in posterum infameret. *l. Diffamari. s. C. De ingenuis.*, est enim & hæc priuilegij de faltitate coargutio species quædam diffamationis, vti docet Bart. in l. Titia. ff. de accus. Anton. & Abbas hic. n. 3. & ita habemus casum, in quo sententia ferri potest contra absentem, lite non contestata.

3. Quæritur 1. Num sententia ista, si post culpabilem absentiam lata sit contra Archiepiscopum, etiam ad successores transeat, videtur negandum, quia delictum personæ non debet in Ecclesiæ detrimentum redundare. *reg. 76. in 6. cap. 3.* sed contrarium est verum, quia vt glossa dicit in cit. reg. Abb. in cap. 1. *De dolo. Felin. hic. num. 6.* negligentia Prælati in judicialibus obest Ecclesiæ, conceditur tamen ei, si læsa sit restitutio in integrum. c. 3. de in integrum. restitut.

4. Quæritur 2. Si Archiepiscopus lacerat priuilegium, num monasterium obtine-re debuisset exemptionem cōtra Ecclesiam Cantuariensem. affirmandum cum Abbe h̄ic, idque ex pluribus capitulis. Ostenditur 1. Propter antecedentem sententiam, pro quā est juris præsumptio, donec legitima exceptio, quæ etiam post latam sententiam opponi potest (videlicet instrumentum fuisse falso & supposititum) ostendatur, in hoc autem casu, vt ponimus, ostendi non poterit instrumenti falsitas, si laceratum sit vel abiectum.

2. Melior in dubio debet esse conditio possidentis, ponimus autem monasterium esse in possessione exemptionis, igitur tam-eti pro eo sententia lata non sit, tamen præsumptio est, donec contrarium ostendatur, quare interim etiam possessione pri-vari non potest, nec quidquam ei ab Episcopo tanquam subiecto imperari, alioquin competenter interdictum possessionis reti-nenda, vti *Felin. h̄ic docet n. 11. Dominic. S. vlt. in 6. Innoc.* & *Abbas in 6. Venerabilis. n. 3. de censibus.*

3. Quia subtracta est parti copia proba-tionis, igitur perinde cenferi debet, ac si plenè probatum sit, prout existimat h̄ic Abbas

n. 5. Sed hæc ratio difficultatem habet, quia licet verissima sit in causâ priuatâ, si v.g. Ti-tius subtrahat, laceret, aut igni iniciat in-strumentum, quod plena contra ipsum pro-batio adesse censeatur, iuxta l. *Si de possessione 20. de prob. vbi Bart. ait, probare furtum in-strumentorum suorum, est sufficiens proba-tio contra furem, hæc tamen doctrina lo-cum habere non videtur in casu nostro, quo agitur de juribus Ecclesiæ; obstat enim re-gula, quod delictum personæ (maxime si in commissione sit extrajudiciale) Ecclesiæ obesse non debet, quare dicendum, quod in hoc casu Ecclesia admittenda sit, si ex alio capite ostendere velit subiectiōnem mona-sterij, aut falsitatem instrumenti v.g. pes-testes.*

CAPITVLVM V.

Contingit.

PARAPHRASIS.

Abbas & Conventus S. Secundi questi sunt Cælestino II. interdum contingere, vt si litem habeant cum aliquo, priuilegium suum exhibere cogantur adversario, atq; ita occasione vnius capituli plura noua litigia consequi. Adhæc respondit Papa, si requisiti fuerint super exhibendo priuilegio, indulgentiâ, vel instrumento, vt in præsentia judicis, aliorūve pruden-tum virorum ab ipso deputatorum tantummodo recitari faciant, seu præle-gi, ita vt si de uno tantum priuilegiij capitulo quæstio sit, illud duntaxat, describa-tur, & parti adversaria tradatur.

SVM MARIUM.

1. *Instrumentum vel priuilegium, quod quis coram judece allegat, totum adversario legi debet: sed solum illud capitulum edi debet, super quo controversia est, vel ex quo ea dependet.*
2. *Ratio redditur prædicta constitutionis Pon-tificia.*
3. *Edere cogitur priuilegium aut instrumen-tum Actor & Rem, si ille agendo, & hic*

u n 2

excis-

excipiendo fundet intentionem super eo.

4. *Casus ponitur, quo totum priuilegium vel instrumentum edere debet.*

1. **N**ot. I. Si pars litigans in causæ suæ instructionem aut defensionem , priuilegium, indulgentiam , aut instrumentum alleget, non cogitur illud ponere apud acta judicij, sed permittere tantum , ut præsente adversario totum legatur, illud autem capitulum , super quo controversia est, seu ex quo ea dependet, describatur, & copia parti adversariæ tradatur, ita etiam habetur in eis. cap. *Cum persona, & explicat ibi gl. verb. Integraliter.*

Pro intellectu in primis adverte, quod aliud est edere instrumentum, & aliud præleggere, nam edere est describendi copiam facere, seu exemplum inde sumendi. l. 1. §. edere. ff. de edendo. Sin autem prælegatur tantum instrumentum, tum audiens plenam inde notitiam fermè non accipit, uti docet glossa, & Francus cit. cap. *Cum persona. Abbas & Felin. c. Ultra. de test. vbi aiunt, eum qui tantum legi audiuit dicta testimoniū non plenè ea didicisse.*

2. Sed hanc rationem non arbitror esse principalem, cur instrumenta non edantur, sed tantum prælegantur adversario; quandoquidem ex sola lectione sufficiente plerumque notitiam capere posset, cum etiam assessores & consiliarij in curiis principum sententiam dicere soleant uno tantum legente, aut referente instrumenta, aliasque probationum partes. Alia itaque causa reddi debet, ne adversarius, vel alij si copiam priuilegij consequantur, noua litigia exsuscitent, idèo non cogitur aliquis priuilegium edere, nisi causa, de qua lis est, id postulet; sola autem prælectio non potest dare ansam novæ litis, cum adversarius nihil producere possit, Reus autem contra quem agitur, instrumenta propria edere non cogatur.

3. Adverte 2. Si vel Actor agendo vel Reus excipiendo fundet intentionem super priuilegio , aut instrumento sibi proprio , tum judicis officio cogi potest , ut

illud in originali exhibeat. l. 1. §. edenda. ff. de edendo. & videri potest Gail lib. 1. obseru. num. 11. idèo nimirum , ut & judex cause merita cognoscat , & adversarius sciat, recte actor agat, necnè , & quomodo se contra eum defendere possit, uti docet glossa in cit. l. 1. Sin autem Actor vel Reus intentionem suam non fundet super privilegio sibi proprio , tum illud edere non cogitur. cit. §. Edenda: vbi dicitur, quod aliquis non cogitur edere instrumenta , quibus usus non est, & in l. *Qui accusare. 4. Cod. eodem.* quod Reus ad petitionem Actoris edere instrumenta non cogatur, quia Reus absolui debeat, si actor ex propriâ veluti penu probationes afferre nequeat. Ideò autem in c. *Cum persona,* exempti privilegium exemptionis perenti Ordinatio exhibere debent, quod ipse ex communi iure habeat fundatam intentionem , quamobrem qui exemptos se dicunt, fundant se in exceptione, quam probare debent, idèo que priuilegium exhibere.

His intellectis, in notando dictum est 1. quod agens vel excipiens qui fundat se super priuilegio &c. non cogatur relinquere judici illud apud acta, uti docet *Abbas & Felin. num. 7.* Ratio dari debet, ne copia inde accipiatur, unde nouæ lites oriantur, deinde non priuilegium amittatur, debet tamen pertenti judici in manus tradi ad cognoscendum valorem eius, & plenum intellectum secundum antecedentia & consequentia capiendum, uti colligitur ex c. *Cum persona. iuncta gl. verb. Integraliter, & docet Bartolus in l. Argentarius. 10. §. Edi. ff. De edendo. arg. l. Inciuse. 24. ff. de legibus.*

2. Dictum est, totum priuilegium præsente adversario legendum esse , ratio est, quia id inferuit plerumque ad plenum intellectum eius capituli, de quo agitur, siquidem & ex proœmio colligi solet, quo modo, conditione, aut intentione, priuilegium &c. datum sit, & in fine quandoque apponitur clausula modificans & restringens omnia, quæ præcesserunt.

3. Dictum est, quod tantum istud capitulū, de quo cōtroversia est, seu quod ad intentionē liti-

litigantium spectat, edendum sit, ita ut copia tradatur, ratio est, quia circa illud capitulum lis jam orta est, ideoque expedientia vtrique parti relicta plenâ facultate causam tuendi, vel agendi, sed circa alia capitulo cum lis orta non sit, non debet litibus orituris ansa præberi, idemque sentendum de testamento, quod totum legatario edi non debeat, sed eius tantum partis copia petenti dari, quæ ad ipsum pertinet, teste Bart. in cit. §. edi. videatur gloss. magn. in cit. l. i.

Cœterum, si ex lectione instrumenti, aut priuilegii videatur judici, capitulo inter se connexa esse, ideoque ad controværsiæ discussionem omnia pertinere, tum jubere potest, ut totum edatur, non tantum judici, sed etiam aduersario, vti Felin. hic docet:

¶. i.

CAPITVLVM VI.

Inter.

P A R A P H R A S I S.

Controværsia erat inter Abbatem S. Donati, nomine monasterii, & Mediolanensem Archiepiscopum super portu Scozulæ & annexis, quæ monasterium ad se pertinere dicebat, ideoque sibi cum fructibus perceptis restitui petebat: saluo jure addendi, vel demendi libello. Et intentione suam probauit 1. per priuilegium Luithardi comitis quondam Episcopi Lucani fundatoris, qui ea monasterio donauerat. 2. Per instrumentum sententia pro monasterio ab Aspero quondam Archiepiscopo mediolanensi latæ ex Ludouici Imperatoris delegatione. 3. Expriuilegio Henrici Imperatoris, qui ea omnia monasteria confirmauit, vel etiam contulit. 4. Ex instrumento locutionum, quas Abbates variis temporibus faciebant. 5. Per productos testes probare nitebatur, quod supra annos 50. in possessione fuerit, & quod fama publica sit de donatione à Luithardo factâ monasterio. Sed contra priuilegium dona-

tionis multa ab Archiepiscopi procuratore obiiciebantur. 1. quod maximè consumptum sit in annotatione indictionis, vbi falsitas facile deprehendi potuisset. 2. Cum charta vetustissima videretur, scriptura visa est recentior. 3. Sigillum vitiosè appositum videbatur, partim quia Cæsalis portu referebat imaginem, quam Episcopi; partim quia in ynâ sigilli parte cera nec in planicie, nec in colore parti alteri similis apparebat; partim quia in nomine Luithardus duæ literæ, ita ut æquæ Lotharius legi posset, imò spatia interiecta in literis om̄issis ita se habeant, ut Lotharii nomen magis conueniret, partim quia cera ex parte interiore erat vetusta, ex parte autem exteriore recens & mollis, insuper sub vetusto sigillo charta erat perforata, & per glutinum nouæ appositæ ceræ fulcrum ipsi additum, sed & eadem falsitatis species in cœteris fermè Imperatorum priuilegiis apparebat, præter priuilegium Henrici, quod tamen etiam ad fidem faciendam sufficere non videbatur, quia nec publicâ manu consecutum erat, nec authenticum sigillum habebat, ad quod ex mediâ parte fuerit consumptum, & ultima nominis syllaba icus apparebat, vt non minus Ludouici sigillum esse potuisset.

Instrumentum quoque latæ sententia multimodè suspectum erat, tum quia quædam in ipso literæ apparebant, tum quia notarii subscriptio aliam manum præferbat, quam scriptio instrumenti, quā tamē notarius in subscriptione profiteretur se manu suâ scripsisse, litera quoque recentior videbatur, quam charta, & atramentum, aquâ insestum, ut vetustius appareret; in omnibus autem priuilegiis imperialibus, licet posterioribus, nulla mentio sententia latæ.

Sed et si ponamus legitimum esse instrumentum de latâ sententiâ, tamen Ecclesie Mediolanensi non præjudicat, cum lata dicatur inter alios, res autem inter alios acta aliis non præjudicat, quare nec attestations, quæ in eodem instrumento

uu 3

con-